


聖賢像贊 三


向先賢公其子  
至林放

漢書門			
二	二	六	八
九	〇	八	號
冊	架	函	類

內閣文庫			
二	二	六	漢
九	〇	八	書
冊	架	函	類

內閣文庫			
番號	漢	2268	
冊數	4 ( 3 )		
函號	290	44	





先賢公夏子

名首字子乘

山東兗州府人

唐

宋理宗紹定三年御製贊

堂堂子乘 洙泗之英 振衣唯喏 致力知行

淵源其學 赫奕其名 慶封錫壤 侯于鉅平

皇明山東布政司理問呂元善贊

及門之英 乃有公夏 容髮如存 源脉難回

沂雲泗月 春凝秋瀉 元父綸言 琤瑤聲價

唐玄宗開元二十七年從祀孔廟追封元父伯宋

真宗咸平三年加封鉅平侯

國朝嘉靖九年改稱先賢公夏子

先賢公子

名良孺字子正河南開封府陳州人



宋理宗紹定三年御製贊

陳有子正 為世所重 制行維賢 義理之勇

學不自滿 才堪大用 年平其封 式彰光寵

宋太中祥符二十年行右司諫張知白贊

子幼真賢 從師宣父 服膺大猷 配享終古

運屬聖神 時巡鄒魯 五等疏封 三綱式叙

唐玄宗開元二十七年從祀孔廟 追封東牟伯 宋

真宗咸平三年加封牟平侯

國朝嘉靖九年改稱先賢公孔子

先賢后子

名處 字子里 山東青州府人



宋理宗紹定三年御製贊

溫溫子里 入聞至聖 攬道之華 秉德之柄

深造闡域 不垂言行 全齊之封 竹素榮盛

皇明山東布政司理問呂元善贊

青土上腴 山高水渚 惟大明湖 受華不注

毓為精靈 是生后處 至今想見 膠東月樹

唐玄宗開元二十七年從祀孔廟追封營丘伯宋

真宗咸平三年加封膠東侯

國朝嘉靖九年改稱先賢后子

先賢公子

名肩定字子忠山東兗州府人



先賢傳卷三

宋理宗紹定三年御製贊

公氏子忠 聖門之後 修行文學 恒存忠信

道究一中 墻依數仞 梁父受封 榮名益振

皇明山東布政司理問呂元善贊

山蠱滋陽 捫天如鏡 光受邦賢 能肩以定

定處得功 何境非性 顧名思義 隨地可證

唐玄宗開元二十七年從祀孔廟追封新田伯宋

真宗咸平三年加封梁父侯

國朝嘉靖九年改稱先賢公孔子

先賢顏子

名祖字子襄山東兗州府曲阜縣人



宋理宗紹定三年御製贊

關里始教

群弟皇皇

好學不倦

時維子襄

疏封錫命

侯于富陽

於萬斯年

名譽益彰

皇明山東布政司理問呂元善贊

仙源名派

七賢之一

子襄之聲

秋清可汲

定于家傳

坐忘有得

巷雖共陋

褒嘉臨邑

唐玄宗開元二十七年從祀孔廟追封臨邑伯宋

真宗咸平三年加封富陽侯

國朝嘉靖九年改稱先賢顏子



先賢顏子

名單字子家山東東昌府聊城縣人

宋理宗紹定三年御製贊

杏壇受教

子家其英

摠衣侍立

善訓思明

學業益進

德譽斯馨

宜崇厥祀

寵爵聊城

皇明山東布政司理問呂元善贊

光岳樓高

登望千里

若有人焉

名蜚傳記

銅鞮故封

雲旗暫止

子家門風

猶沾衛水

唐玄宗開元二十七年從祀孔廟追封銅鞮伯宋

真宗咸平三年加封聊城侯

國朝嘉靖九年改稱先賢鄔子

先賢鄔子

名并疆字子疆河南衛輝府人



先賢像贊 卷三



宋理宗紹定三年御製贊

孔徒三千 升堂七十 子於其間 有業學習

駿造聖功 歸然獨立 茂陟嘉封 鴻名緝緝

宋大中祥符二年刑部員外郎查道贊

衛之君子 遠者比肩 服勤鼓篋 學慕韋編

升中置慶 儒術攸先 徹侯疏爵 闕里之賢

唐玄宗開元二十七年從祀孔廟追封淇陽伯宋

真宗咸平三年加封滏陽侯

國朝嘉靖九年改稱先賢勾子

先賢宰父子

名黑字子素山東兗州府人氏族畧無宰父氏止有宰父氏當作宰父子



宋理宗紹定三年御製贊

循循子素 從游闕里 分席杏壇 飲波泗水

四教克遵 百行均美 錫壤祈鄉 式崇厥祀

皇明山東布政司理問呂元善贊

洙泗門墻 稱有二黑 君之里閭 尤親道脉

信史輝輝 子長載筆 罕父宰父 倘誤手點畫

唐玄宗開元二十七年從祀孔廟追封乘丘侯宋

真宗咸平三年加封祁鄉侯

國朝嘉靖九年改稱先賢罕父子

先賢秦子 名商字子丕山東兗州府人少孔子四



宋理宗紹定三年御製贊

孔父秦父 相尚以德 俱生賢嗣 相與維則

是父是子 致詰曠克 會弁儒林 令名無極

皇明山東布政司理問呂元善贊

一姓兩賢 商年為最 以吾一日 何況四歲

受教應先 故當出類 門籍無妨 謙處後位


唐玄宗開元二十七年從祀孔廟追封上洛伯宋

真宗咸平三年加封鄆城侯

國朝嘉靖九年改稱先賢秦子

先賢樂子

名祈字子祺山東兗州府人



Faint background text, likely bleed-through from the reverse side of the page.

宋理宗紹定三年御製贊

伯茲雋婁 務學實著 三千之徒 七十是預  
匪善莫行 惟德乃據 紀于前書 式彰厥譽

宋大中祥符二年祠部員外郎梅詢贊

聖人之門 學者僉僉 彼美于祺 行修志淳  
異端茲害 微言服勤 格于代宋 侯封是新

唐玄宗開元二十七年從祀孔廟追封雋婁伯宋  
真宗咸平三年加封厥次侯

國朝嘉靖九年改稱先賢榮子

先賢施子

名之常子恒 山東兗州府人  
名 子 恒 山東 兗州 府 人  
賢 先 公 祖 子



名 子 恒 山東 兗州 府 人

施之常

宋理宗紹定三年御製贊

閱國乘氏

有德斯彰

參稽百行

贊理二十綱

自振行間

策名其光

在史藹藹

歷久彌芳

宋大中祥符二年太常博士王隨贊

懿彼施常

學深儒雅

魯國上賢

孔堂達者

跡晦名彰

德高言寡

侯封是邦

昭昭純嘏

唐玄宗開元二十七年從祀孔廟追封乘氏伯宋

真宗咸平三年加封臨濮侯

國朝嘉靖九年改稱先賢施子

公祖句茲

宋理宗紹定二年御製贊

惟彼子之

錫伯期思

與賢並進

得聖而師

彬彬雅道

翼翼令儀

正自至言

廟食不隳

宋大中祥符二十年祠部員外郎梅詢贊

子之生曾

從師尼父

恂恂闕里

峩峩章甫

非聖勿言

惟道是與

千古而下

俾侯齊土

唐玄宗開元二十七年從祀孔廟追封期思伯宋

真宗咸平三年加封即墨侯

國朝嘉靖九年改稱先賢公祖子

先賢左子

各人郢字子行山東兗州府人按通志

今稱左子似誤當作左人子



宋理宗紹定三年御製贊

伯彼臨淄 左行稱賢 希蹤十哲 秀穎三千

心悅誠服 家至戶傳 樂只君子 文聲益宣

皇明山東布政司理問呂元善贊

心悅誠服 如七十子 于處其間 服膺何事

聖亦能同 丘明之耻 奚辯其官 左人左氏

唐玄宗開元二十七年從祀孔廟追封臨淄伯宋

真宗咸平三年加封南華侯

國朝嘉靖九年改稱先賢左子

先賢縣子

名成字子祺山東兗州府人



宋理宗紹定三年御製贊

先賢縣子

名成

字子祺

宋理宗紹定三年御製贊

至聖立教ラ 子祺安雅ラ 擅譽魯邦ラ 啓祚鉅野ラ

煒矣風猷ラ 時哉用捨ラ 出倫離類ラ 後學是假ラ

宋大中祥符二年祠部員外郎石中立贊

異能之士 孔徒寔繁ラ 悅服至德ラ 祖述微言ラ

富稟天爵ラ 遊乎聖門ラ 追崇之典ラ 胙以侯藩ラ

唐玄宗開元二十七年從祀孔廟追封鉅野伯宋

真宗咸平三年加封武城侯

國朝嘉靖九年改稱先賢縣子

先賢鄭子

名國字子徒聖里志作薛邦山東兗州府人



先賢像贊 卷三

宋理宗紹定三年御製贊

伯夫榮陽 實惟令德 優入聖門 過不留迹  
道以目傳 妙則心識 猗歟偉歟 後代之式

宋大中祥符二年行太常博士陳知微贊

懿彼子徒 挺生闕里 日遊聖門 躬授微旨  
德音孔昭 令聞不已 疏爵胸山 式旌遺美

唐玄宗開元二十七年從祀孔廟追封榮陽伯宋  
真宗咸平三年加封胸山侯

國朝嘉靖九年改稱先賢鄭子

先賢原子

名尤字子籍山東兗州府人



出言石左  
風力千餘  
宋理宗紹定三年御製贊

先賢原字



宋理宗紹定三年御製贊

原氏子籍 從尼父遊 潛心墳典 其業允修

出言可式 入聖則優 樂平寵襲 克振儒流

皇明山東布政司理問呂元善贊

培杏之壇 有憲與亢 魯衛弟兄 處若家巷

倘聞其問 亦不多讓 邑食萊蕪 清操有樣

唐玄宗開元二十七年從祀孔廟追封恭蕪伯宋

真宗咸平三年加封樂平侯

國朝嘉靖九年改稱先賢原子

先賢顏子

名之僕字子叔山東兗州府曲阜縣人



宋理宗紹定三年御製贊

賢行顏叔 親承尼父 志銳所期 道尊是輔

泥在鈞陶 木就規矩 終縻好爵 揚名東武

宋大中祥符二年行太常博士崔遵度贊

洙水悠悠 子叔優優 及肩等賜 升堂並由

元后時邁 禮成介丘 旌此達者 爵為列侯

唐玄宗開元二十七年從祀孔廟追封東武伯宋

真宗咸平三年加封宛句侯

國朝嘉靖九年改稱先賢顏子

先賢廉子

名潔字子庸河南衛輝府人



宋理宗紹定三年御製贊

兄弟之邦 士有廉庸 涵泳素教 表揭儒宗

杏壇探頤 洙泗從容 作興一時 萬父其封

皇明山東布政司理問呂元善贊

太廉有後 寔惟子曹 朝歌樂去 來仰山高

豈必莒父 譽曰人豪 宜昌宗裔 趙漢兩朝

唐玄宗開元二十七年從祀孔廟追封萬父伯宋

真宗咸平三年加封胙城侯

國朝嘉靖九年改稱先賢廉子

先賢樂子

名欬字子聲山東兗州府人



宋理宗紹定三年御製贊

樂氏子聲 錫爵昌平 信道之篤 見善乃明

張頌高節 載維思誠 先賢聿崇 出為時英

皇明山東布政司理問呂元善贊

初延微宋 姓啟南陽 雲新古檜 雨舊窮桑

魯孟一樂 後先一堂 子聲流佈 譽浹宮墻

唐玄宗開元二十七年從祀孔廟追封昌平伯宋

真宗咸平三年加封建城侯

國朝嘉靖九年改稱先賢樂子

先賢樂子

先賢邾子

名異字子歛山東兗州府人



宋理宗紹定三年御製贊

彼美邾子 先聖是承 墻仞已及 堂陛將升

良玉斯琢 寒水必冰 錫壤平陸 茂實昭騰

宋大中祥符二年行太常博士姜嶼贊

展矣子欽 孔門高第 模範將聖 博約六藝

斯謂達者 顯於當世 追封列侯 流芳永裔

唐玄宗開元二十七年從祀孔廟追封平陸伯宋

真宗咸平三年加封高唐侯

國朝嘉靖九年改稱先賢邾子

先賢狄子

名黑字子皙河南衛輝府人



宋理宗紹定三年御製贊

仰止狄哲 抱負淵通 游泳德化 揚厲素風

偉識既異 持教乃隆 厥志茂焉 崇祀無窮

宋大中祥符二年行太常博士姜嶼贊

矯矯子哲 來學有方 依仁游藝 攝齊升堂

羽儀先聖 物色上庠 林慮錫壤 百世之光

唐玄宗開元二十七年從祀孔廟追封臨濟伯宋

真宗咸平三年加封林慮侯

國朝嘉靖九年改稱先賢狄子

先賢公西子

名輿如字子上山東兗州府人



宋理宗紹定三年御製贊

杏壇啓教

高弟如雲

賢哉子上

敬業樂群

居仁由義

崇禮修文

臨胸錫爵

永播清芬

宋大中祥符二年集賢騎都尉范曄贊

鍾美齊疆

從師魯國

展矣斯人

道臻聖域

禮墨金繩

慶敷文德

薦享封侯

永光廟食

唐玄宗開元二十七年從祀孔廟追封重丘伯宋

真宗咸平三年加封臨胸侯

國朝嘉靖九年改稱先賢公西子

先賢子蔑子

名忠字子蔑孔子兄孟皮之子



宋理宗紹定三年御製贊

惟子挺生 道德之門 佩服至論 鯉則弟昆

三得三已 所問殊溫 君子歸宓 義不掩恩

宋大中祥符二十年太常博士王隨贊

賢哉先生 聖則夫子 道貴希聖 聞師行已

闕里服膺 國庠從祀 載享侯封 式昭德美

唐玄宗開元二十七年從祀孔廟追封汝陽伯宋

真宗咸平三年加封鄆城侯

國朝嘉靖九年改稱先賢子蔑子

先賢公西子

名蔑字子尚山東兗州府人





宋理宗紹定三年御製贊

猗爾子尚 魯邦之望 以德則貴 惟道是唱

師聰師明 友直友諒 伯於祝阿 儒風斯暢

宋大中祥符二年太常寺丞劉筠贊

魯多學者 服勤遊聖 祝羸惟肖 歲也成性

綽有餘裕 是亦為政 追侯于徐 用均天慶

唐玄宗開元二十七年從祀孔廟追封祝阿伯宋

真宗咸平三年加封徐城侯

國朝嘉靖九年改稱先賢公西子

先賢陳子

名亢字子禽河南開封府陳州人少孔子四十歲



宋理宗紹定三年御製贊

惟禽之間 過庭其鯉 求以異聞 詩禮云爾  
請一得三 誠退而喜 且知時聖 不私其子

宋大中祥符二年東部侍郎趙昌言贊

於美子禽 服膺尼父 問一得三 垂訓千古  
名由實賓 德以位序 運屬封巒 爵崇介士

唐玄宗開元二十七年從祀孔廟追封穎伯宋真  
宗咸平三年加封南潁侯

國朝嘉靖九年改稱先賢陳子

先賢秦子

名非字子之山東兗州府人



先賢像贊

卷三

宋理宗紹定三年御製贊

樂善哲士 伯于汧陽 傳道克正 垂名允臧

執德以弘 用心必剛 表廣業履 式贊素王

宋太中祥符二年太常博士王隨贊

七十之賢 皆傳聖道 彼美子之 學臻堂奧

珍席圭璋 儒宮黼藻 列爵華亭 令名長保

唐玄宗開元二十七年從祀孔廟追封汧陽伯宋

真宗咸平三年加封華亭侯

國朝嘉靖九年改稱先賢秦子

先賢琴子

名張字子開河南衛輝府人



宋理宗紹定三年御製贊

多能鄙事 聖人曲意 惟其知之 是以不試

宗魯雖友 乎必以義 尚師嘉言 祀亦罔替

宋大中祥符二十年太常寺丞宋綬贊

反魯之始 從師去里 不試故藝 善言攸紀

非義罷吊 崇仁為美 銘嶽益封 用旌君子

唐玄宗開元二十七年追封南陵伯與琴半並從

祀孔廟宋真宗大中祥符二十年以重祀去半存張

加封頓丘侯徽宗政和六年六月改封陽平侯

國朝嘉靖九年改稱先賢琴子

先賢申子

名棖字子周山東兗州府人 家語作申 續史記作申黨其實一也



宋理宗紹定三年御製贊

剛毅近仁 志操莫渝 性匪祝鮀 面豈于都  
有<sub>二</sub>於此<sub>一</sub> 剛名可圖 云<sub>二</sub>慙則柔<sub>一</sub> 盖生之徒

宋太中祥符二年行右司諫張知白贊

洙泗之秀 橫經魯堂 名亞<sub>二</sub>十哲<sub>一</sub> 道尊<sub>二</sub>五常<sub>一</sub>  
時<sub>二</sub>巡<sub>一</sub>駐蹕<sub>二</sub>闕里<sub>一</sub>增光 封侯錫命 永代流芳  
唐玄宗開元二十七年追封棖魯伯黨陵伯並從  
祀孔廟宋真宗咸平三年加封棖文登侯黨淄川  
侯

國朝嘉靖九年以重名去黨存棖改稱先賢申子

先賢步子

名叔乘字子車山東青州府人



宋理宗紹定二年御製贊

勉勉于車 封邑淳于 親炙避席 唯諾趨隅

發微既博 雅道是扶 抑可尚也 不亦美乎

宋大中祥符二年太常博士張象中贊

聖人之門 子車服勤 學以時習 道宜日新

數仞爰處 函丈是新 追封遺烈 旌美儒臣

唐玄宗開元二十七年從祀孔廟追封淳于伯宋

真宗咸平三年加封博昌侯

國朝嘉靖九年改稱先賢步子

先賢顏子

名喈字子聲山東兗州府曲阜縣人



宋理宗紹定三年御製贊

褒錫朱虛 在器輪輿 儒室振領 聖門良祿

賢業素蘊 美才以據 百世不刊 載觀成書

宋大中祥符二年太常博士張象中贊

回也庶幾 諸顏近之 洙泗受業 汶上從師

輔頰儒道 經營德墓 俾侯于濟 君子攸宜

唐玄宗開元二十七年從祀孔廟追封朱虛伯宋

真宗咸平三年加封濟陰侯

國朝嘉靖九年改稱先賢顏子

先賢顏子

先賢蘧瑗 字伯玉河南衛輝府人



宋理宗紹定三年御製贊

先賢多考 卷三

宋理宗紹定三年御製贊

有衛伯玉

夫子與居

寡過未能

薦贊使乎

以屍諫君

友則史魚

果得進賢

爛然簡書

宋太中祥符二年行太常博士崔遵度贊

達哉君子

外寬內正

好禮直躬

衛風斯競

瑞命昭錫

元符報慶

俾執厥中

千齡遇聖

唐玄宗開元二十七年從祀孔廟追封衛伯宋真

宗太中祥符二年加封內黃侯

國朝嘉靖九年以孔子之所嚴事者不當在弟子

列改祀于鄉

先賢林放

字子丘山東兗州府人





宋理宗紹定三年御製贊

禮之有本 子能啓問 大哉斯言 光昭明訓

德輝泰山 誣祭能奮 崇茲祀典 蓋永令聞

宋太中祥符二年主客郎中刁衍贊

亦丘明哲 道洽素風 問禮之本 為儒所宗

東嶽稱美 長山表封 云停告畢 慶澤薦隆

唐宗開元二十七年從祀孔廟追封清河伯宋

真宗太中祥符二年加封長山侯

國朝嘉靖九年以家語史記俱不載弟子列改祀

千鄉

